

ქ. ბათუმი

2020 წლის 28 ივლისი

სატენდერო კომისიის სხდომას ესწრებოდნენ:

.ჯუმბერ ვარდმანიძე - ხელვაჩაურის მუნიციპალიტეტის მერი, კომისიის თავმჯდომარე;
.კახაბერ ფუტყარაძე - ხელვაჩაურის მუნიციპალიტეტის მერის პირველი მოადგილე, კომისიის თავმჯდომარის მოადგილე;
.მირზა ბახტაძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის ხელმძღვანელი, კომისიის წევრი.
.ტარიელ ნაკაშიძე - ხელვაჩაურის მუნიციპალიტეტის მერიის პირველადი სტრუქტურული ერთეულის საფინანსო-საბიუჯეტო სამსახურის ხელმძღვანელი, კომისიის წევრი;
.თეიმურაზ გაწერელია - ხელვაჩაურის მუნიციპალიტეტის მერიის პირველადი სტრუქტურული ერთეულის იურიდიული სამსახურის ხელმძღვანელი, კომისიის წევრი;
.ვახტანგ დიასამიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ინფრასტრუქტურისა და კეთილმოწყობის სამსახურის ხელმძღვანელი, კომისიის წევრი;
.გიორგი ქურიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ზედამხედველობის სამსახურის ხელმძღვანელი, კომისიის წევრი;
.მელანო მამულაძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი, კომისიის წევრი;

კომისიის აპარატის წევრები:

.მაია ბოლქვაძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი სპეციალისტი;
.გოგიტა გოგიტიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი სპეციალისტი;

სატენდერო კომისიის სხდომას არ ესწრებოდა კომისიის წევრი არჩილ ბარამიძე.

დღის წესრიგი:

სოფლის მხარდაჭერის პროგრამის ფარგლებში M-250 მარკიანი მზა სასაქონლო ბეტონის შესყიდვაზე (CPV კოდი 44100000) ტენდერის ჩატარების შესახებ განცხადებისა და სატენდერო დოკუმენტაციის პროექტის განხილვა-დამტკიცება.

მოისმინეს: კომისიის აპარატის წევრის მ. ბოლქვაძის ინფორმაცია იმის შესახებ, რომ ხელვაჩაურის მუნიციპალიტეტის მერიის 2020 წლის სახელმწიფო შესყიდვების გეგმის ფარგლებში CPV კოდი 44100000 გათვალისწინებულია 1 482 401 ლარი, ხოლო სოფლის მხარდაჭერის პროგრამის ფარგლებში M-250 მარკიანი მზა სასაქონლო ბეტონის შესყიდვაზე გათვალისწინებულია 929 475 ლარი. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების შესაბამისად შესყიდვა უნდა განხორციელდეს ელ. ტენდერის საშუალებით. ამასთან, ვინაიდან შესყიდვის ღირებულება აღემატება სახელმწიფო შესყიდვების სფეროში მოქმედი ევროკავშირის დირექტივებით დადგენილ მონეტარულ ზღვრებს, „სახელმწიფო შესყიდვების შესახებ“ საქართველოს კანონის მე-12¹ მუხლის პირველი პუნქტის თანახმად, სავალდებულოა ელექტრონული ტენდერის ჩატარების შესახებ განცხადების სახელმწიფო შესყიდვების ერთიან ელექტრონულ სისტემაში ინგლისურ ენაზე განთავსება.

კომისიის წევრებმა განიხილეს სისტემაში განსათავსებელი განცხადებისა და სატენდერო დოკუმენტაციის პროექტი, რის შედეგადაც ელ. სისტემაში განსათავსებელი განცხადება და სატენდერო დოკუმენტაცია ჩამოყალიბდა შემდეგი სახით:

ტენდერის გამოცხადების თარიღი: 28 ივლისი 2020 წელი.

შესყიდვის სავარაუდო ღირებულება 929 475 ლარი.

შესყიდვის დანაყოფი 44100000, 44114000

შესყიდვის რაოდენობა ან მოცულობა: იხ. სატენდერო დოკუმენტაცია.

მიწოდების ვადა: ხელშეკრულების გაფორმებიდან 2020 წლის 27 ნოემბრის ჩათვლით.

შეთავაზების ფასის კლების ბიჯი: 18000 ლარი.

სატენდერო დოკუმენტაციით პრეტენდენტის მიერ სახელმწიფო შესყიდვების ერთიან ელექტრონულ სისტემაში უნდა მოხდეს შემდეგი დოკუმენტების ატვირთვა:

- მოსაწოდებელი საქონლის ფასების ცხრილი დანართი N1-ის შესაბამისად;
- ინფორმაცია წარმოშობის წყაროსა და მწარმოებლის შესახებ;
- ინფორმაცია პრეტენდენტის გამოცდილების შესახებ;

ა) ტენდერში მონაწილე პრეტენდენტს 2017 წლის 01 ივლისიდან 2020 წლის 01 ივლისის ჩათვლით შესრულებული უნდა ჰქონდეს მზა სასაქონლო ბეტონის მიწოდება დამკვეთისთვის საერთო ღირებულებით არანაკლებ 1 000 000 ლარის ოდენობით;

ბ) ინფორმაცია წარმოდგენილი უნდა იქნას დანართი N2-ის შესაბამისად, სადაც აუცილებლად უნდა იყოს მითითებული ტენდერის SPA, NAT, DAP, CMR ნომერი (ასეთის არსებობის შემთხვევაში).

გ) პრეტენდენტმა უნდა წარმოადგინოს მზა სასაქონლო ბეტონის მიწოდების დამადასტურებელი დოკუმენტების ასლები (ხელშეკრულების ასლ(ებ)ი ხარჯთაღრიცხვ(ებ)ით, სამუშაოს შესრულების მიღება-ჩაბარების აქტ(ებ)ის ასლები, შესრულებული სამუშაოს ფორმა N2. ფორმა N2-ის ნაცვლად შესაძლებელია წარმოდგენილ იქნას სხვა დამადასტურებელი დოკუმენტი (საგადახდო მოთხოვნა ან ანგარიშფაქტურა)).

დ) თუ პრეტენდენტი წარმოადგენს არასახელმწიფო შესყიდვის საშუალებით გაფორმებულ ხელშეკრულებებს ან/და შესრულებული აქვს სამუშაოები როგორც ქვეკონტრაქტორს, ასეთ შემთხვევაში შესრულების დამადასტურებელ დოკუმენტებთან ერთად (ხელშეკრულების ასლ(ებ)ი ხარჯთაღრიცხვ(ებ)ით, სამუშაოს შესრულების მიღება-ჩაბარების აქტ(ებ)ის ასლები, შესრულებული სამუშაოს ფორმა N2) დამატებით აუცილებელია წარმოდგენილი იქნას დადასტურებული საგადასახადო ანგარიშფაქტურები.

ე) იმ პრეტენდენტებს, რომლებსაც ზემოაღნიშნული სამუშაოები შესრულებული აქვთ ხელვაჩაურის მუნიციპალიტეტის დაკვეთით, ანალოგიური სამუშაოების შესრულების გამოცდილების შესახებ ინფორმაცია უნდა წარმოადგინონ მხოლოდ დანართი N2-ის სახით.

ფასწარმოქმნის ადეკვატურობის მოთხოვნა:

ა) თუ ელექტრონულ ტენდერში ელექტრონული ვაჭრობის შედეგად ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის დასკვნა (აკრედიტებული პირის მიერ გაცემულ დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი). აღნიშნული დასაბუთების და/ან ექსპერტიზის დასკვნის წარმოდგენილობა გამოიწვევს ტენდერში მონაწილე პრეტენდენტის დისკვალიფიკაციას.

ბ) ფასწარმოქმნის ადეკვატურობის დამადასტურებელი დოკუმენტით ხელშეკრულებით ნაკისრი ვალდებულებების შესრულების შესაძლებლობა უნდა დასტურდებოდეს როგორც პრეტენდენტის მიერ დაფიქსირებული წინადადების ფასთან (ხარჯთაღრიცხვის ჯამურ ღირებულებასთან), ასევე ხარჯთაღრიცხვის ერთეულებთან მიმართებით.

წარმოდგენილ ექსპერტიზის დასკვნასთან უნდა ერთვოდეს ფასების ცხრილი, რომლის საფუძველზეც მოხდა დასკვნის შედგენა.

ხელშეკრულების შესრულების უზრუნველყოფის გარანტია:

1. ტენდერში გამოყენებულ იქნება ხელშეკრულების უზრუნველყოფის გარანტია, ხელშეკრულების საერთო ღირებულების 5%-ის ოდენობით, დანართი N3-ის მიხედვით (გარანტიის მოქმედების ვადა არანაკლებ 60 კალენდარული დღით უნდა აღემატებოდეს ხელშეკრულებით გათვალისწინებული ობიექტის მიწოდების ვადას).

2. თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ პრეტენდენტს მოსთხოვოს ხელშეკრულების შესრულების უზრუნველყოფის გარანტია 5%-დან 10%-მდე ოდენობით.

3. გარანტიის პირობები: ხელშეკრულების შესრულების უზრუნველყოფის გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

კომისიამ გადაწყვიტა:

1. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების შესაბამისად შესყიდვა უნდა განხორციელდეს ელ. ტენდერის აუქციონის გარეშეს საშუალებით.

2. სოფლის მხარადაჭერის პროგრამის ფარგლებში M-2500 მარკიანი მზა სასაქონლო ბეტონის შესყიდვის მიზნით (CPVკოდი 44100000) განსახორციელებელი აუქციონის გარეშე ელექტრონული ტენდერის შესყიდვის საერთო სავარაუდო ღირებულებად განისაზღვროს 929 475 ლარი;
3. დამტკიცდეს სოფლის მხარადაჭერის პროგრამის ფარგლებში M-250 მარკიანი მზა სასაქონლო ბეტონის შესყიდვის სატენდერო დოკუმენტაცია და სატენდერო განცხადების ტექსტი;
4. დაევალოს სატენდერო კომისიის აპარატს განათავსოს სატენდერო დოკუმენტაცია და განცხადება ტენდერის ჩატარების შესახებ სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე:

გ. ვარდმანიძე

კომისიის თავმჯდომარის მოადგილე:

კ. ფუტყარაძე

კომისიის წევრები:

მ. ბახტაძე

ტ. ნაკაშიძე

თ. გაწერელია

ვ. დიასამიძე

გ. ქურიძე

მ. მამულაძე

კომისიის აპარატის წევრები:

მ. ბოლქვაძე

გ. გოგიტიძე